

醫

門

法

律

卷卷

八本

三卷中風門方目

一 侯氏黑散

二 風引湯

三 愈風丹

四 胃風湯

五 薏苡仁湯

六 排風湯

七 人參補氣湯

八 舒筋保安散

九 解風散

十搜風順氣丸

十一桂枝湯

十二小續命湯

十三防風通聖散

十四祛風至寶膏

十五不換金丹

十六三化湯

十七攝生散調蘇合丸

十八烏藥順氣散

十九勻氣散

二十稀涎散

二十一加味六君子湯

二十二三聖散

二十三轉舌膏

二十四正舌散

二十五寶壽解語湯

二十六瀉青丸

二十七愈風湯

二十八四白丹

二十九大秦芫湯

三十養血當歸地黃湯

三十一天麻丸

三十二滌痰湯

三十三青州白丸子

三十四竹瀝湯

三十五貝母瓜蒌散

三十六千金地黃湯

三十七涼膈散

三十八清心散

三十九地黃飲子宣明方

四十三因白散子

四十一二丹丸

四十二稀蒼丸

四十三黑錫丹

四十四三建二香湯

四十五星附散

四十六古今錄驗續命湯

四十七千金三黃湯

四十八近効白朮附子湯

四十九史國公浸酒方

附痺證方目 二十方

五十三痺湯

五十一桂枝五物湯

五十二十味劉散

五十三烏頭粥

五十四薏苡湯

五十五通痺散

五十六控涎丹

五十七人參丸

五十八括蕞薤白半夏湯

五十九腎瀝湯

六十吳茱萸散

六十一羚羊角散

六十二羌活湯

六十三升麻湯

六十四巴戟天湯

六十五犀角散

六十六人參散

六十七溫中法麴丸

六十八紫蘇湯

六十九牛膝酒

附風門雜方目 七方

七十和榮湯

七十一急風散

七十二獨聖散

七十三祛風丸

七十四四神丹

七十五犀角湯

七十六牛蒡子散

醫門法律卷之三

西昌喻 昌嘉言父著

黎川陳守誠伯常重梓

中風門 論一篇

法四十一條 律六條

中風論

喻昌曰。中風一證。動關生死。安危病之。大而且重。莫有過於此者。內經風痺痿厥四證。各有顛論。獨風論中。泛及雜風。至論中風。惟曰風中五藏六府之俞。亦為藏府之風。各入其門戶所中。則為偏風。不過兩述其名而已。後論五藏并胃府之風。亦但各述其狀而

醫門法律

卷之三

中風門

一

已賴仲景金匱書表章先聖云。夫風之爲病。當半身不遂。或但臂不舉者。此爲痺。脉微而數。中風使然。又云。寸口脉浮而緊。緊則爲寒。浮則爲虛。寒虛相搏。邪在皮膚。浮者血虛。絡脉空虛。賊邪不瀉。或左或右。邪氣反緩。正氣卽急。正氣引邪。喎僻不遂。邪在於絡。肌膚不仁。邪在於經。卽重不勝。邪入於府。卽不識人。邪入於藏。舌卽難言。口流涎沫。又云。寸口脉遲而緩。遲則爲寒。緩則爲虛。榮緩則爲亡血。衛緩卽爲中風。邪氣中經。則身痒而癢。疹心氣不足。邪氣入中。則胸滿而短氣。以及五藏風脉死證。語語金鍼。大有端緒之

可求矣。仲景以後，英賢輩出，方書充棟，何反漫無取裁。坐爲中風一證，鮮畫一之法，治之百不一効。昌生也晚，敢辭不敏，逐條引伸，內經仲景聖法爲治例，而先立論以括其要焉。然世咸知仲景爲立方之祖，至中風證，仲景之方首推侯氏黑散爲主方，後人罔解其意，謹并明之。夫入風之邪，皆名虛邪，人身經絡營衛素盛者，無從入之。入之者，因其虛而襲之耳。內經謂以身之虛而逢天之虛，兩虛相感，其氣至骨，入則傷五藏，工候禁之，不能傷也。又謂賊風數至，虛邪朝夕內至，五藏骨髓外傷，空竅肌膚，靈樞亦謂聖人避

邪如避矢石。是則虛邪之來。爲害最烈。惟良工知禁之。聖哲知避之矣。然風爲陽邪。人身衛外之陽不固。陽邪乘陽。尤爲易入。卽如偏枯不仁。要皆陽氣虛餒。不能充灌所致。又如中風卒倒。其陽虛更審。設非陽虛。其人必輕矯便捷。何得卒倒耶。仲景之謂脉微而數微者。指陽之微也。數者指風之熾也。所出諸脉諸證。字字皆本陽虛爲言。然非仲景之言。而內經之言也。內經謂天明則日月不明。邪害空竅。可見風性善走空竅。陽虛則風居空竅。漸入府藏。此惟離照當空。羣邪始得垂散。若胸中之陽不治。風必不出矣。扁鵲

謂號太子戶厥之病。日上有絕湯之絡。下有破陰之
紐。見五絡之絡於頭者。皆爲陽絡。而邪阻絕於上。其
陽之根於陰。陰陽相紐之處。而正復破散於下。故爲
是病。古人立言之精若此。仲景以後。醫脉斬焉。中斷
後賢之特起者。如劉河間。則主火爲訓。是火召風入。
火爲本。風爲標矣。李東垣。則主氣爲訓。是氣召風入。
氣爲本。風爲標矣。朱丹谿。則主痰爲訓。是痰召風入。
痰爲本。風爲標矣。然一人之身。每多兼三者。而有之。
初不曰陽虛邪害空竅爲本。而風從外入者。必挾身
中素有之邪。或火。或氣。或痰。而爲標耶。王安道謂審

其爲風則從內經。審其爲火爲氣爲痰。則從三子。徒較量於彼此之間。得非無權而執一耶。且從三子。固各有方論可守。從內經。果何着落耶。中風門中。大小續命湯。及六經加減法。雖曰治風。依然後人之法也。金匱取古今錄驗續命湯。治風痲之身無痛而四肢不收者。仲景所重。原不在此。所重維何。則驅風之中。兼填空竅爲第一義也。空竅一實。庶風出而不復入。其病瘳矣。古方中有侯氏黑散。深得此意。仲景取爲主方。隨製數方。補其未備。後人日覩其方。心炫其指。詎知仲景所爲心。折者原有所本。乃遵內經。久塞其

空是謂良工之語耶。觀方下云。服六十日止藥積腹中不下矣。久塞其空。豈不彰明哉。後人以無師之智。燭亂成法。中風之初。治其表裏。風邪非不外出。而重門洞開。出而復入。乃至莫禦者多矣。又謂一氣微汗。一旬微利。要亦五十步之走耳。正如築堤禦水。一旬一氣。正程功課。効之日。豈有姑且開堤泄水。重加板築之理哉。是以後人委曲偏駁。不似先聖直切精粹。諸家中風方論。直是依樣葫蘆。不足觀矣。非然也。三人行。必有我師。况綜列羣方。贊其所長。核其所短。俾學者一簡勘而心地朗然。坐進此道。用之如鍾離丹。

熱銅鐵皆金。其師資於前賢。豈不大耶。謹論。

中風之脉。各有所兼。兼則益造其偏。然必顯呈於脉。蓋新風挾舊邪。或外感。或內傷。其脉隨之忽變。兼寒則脉浮緊。兼風則脉浮緩。兼熱則脉浮數。兼痰則脉浮滑。兼氣則脉沉澹。兼火則脉盛大。兼陽虛則脉微。亦大而空。兼陰虛則脉數。亦細如絲。陰陽兩虛則微數。或微細。虛滑爲頭中痛。緩遲爲營衛衰。大抵陽浮而數。陰濡而弱。浮滑沉滑。微虛散數。皆爲中風。然虛浮遲緩。正氣不足。尙可補救。急大數疾邪不受制。必死無疑。若大數未至。急疾猶得。

不死。經言風氣之病似七診而非。故言不死。可見大數爲風氣必有之脉。亦未可定爲死脉耳。

岐伯謂各入其門戶所中。則爲偏風。仲景謂風之爲病。當半身不遂。或但臂不舉者。此爲痺。脉微而數。中風使然。

門戶指入絡入經入府入藏言也。經言百病之生必先於皮毛。邪中之則腠理開。開則邪入客於絡脉。留而不去。傳入於經。留而不去。傳入於府。廩於腸胃。此則風之中人以漸而深。其人之門戶未至洞開。又不若急虛卒中入藏之驟也。仲景會其意。

故以臂不舉爲痺。叙於半身不遂之下。謂風從上入。臂先受之。所入猶淺也。世傳大拇一指獨麻者。三年內定中風。則又其淺者矣。然風之中入。必從榮衛而入。風入榮衛。則榮脉改微。衛脉改數。引脉以見其人。必血舍空虛。而氣分熱熾。風之繇來。匪朝伊夕也。

內經言偏枯者不一。曰汗出偏阻。曰陽盛陰不足。曰胃脉內外大小不一。曰心脉小堅急。曰腎水虛。靈樞亦叙偏枯於熱病篇中。皆不言風。皆不言其本於何邪。豈非以七情飢飽房室。凡能虛其藏氣。

致榮衛經脈痺而不通者皆可言邪耶。河澗主火立說。卽腎水虛陽盛陰不足之一端也。東垣主氣立說。卽七情鬱遏之一端也。丹溪主痰立說。卽飲食傷脾之一端也。一病之中每多兼三者而有之。安在舉一以括其他乎。經云不能問其虛安問其餘。偏枯病陽盛陰不足固有之。而陽氣虛衰痺而不通者尤多。可問其餘耶。

中絡者肌膚不仁。中經者軀殼重着。中府卽不識人。中藏卽舌難言。口流涎沫。然中府必歸胃府。中藏必歸心藏也。

中絡邪正入衛猶在經脈之外故但肌膚不仁中
經則邪入於榮脈之中內而骨外而肉皆失所養
故軀殼爲之重着然猶在軀殼之間至入府入藏
則離軀殼而內入邪中深矣府邪必歸於胃者胃
爲六府之總司也廩於腸胃非舉大小二腸並重
蓋風性善行空竅水穀入胃則胃實腸虛風邪卽
迸入腸中少頃水穀入腸則腸實胃虛風復迸入
胃中見胃風必奔迫於二腸之間也風入胃中胃
熱必盛蒸其津液結爲痰涎壅塞隧道胃之支脈
絡心者纔有壅塞卽堵其神氣出入之竅故不識

人也。諸藏受邪，壅盛必逆入於心而亂其神明。神明無主，則舌縱難言，廉泉開而流涎沫也。偏枯病，脈之遲緩見於寸口，榮衛之行不逮也。外則身痒而癢，疹內則胸滿而短氣，榮脈內外邪氣充斥，去府不遠矣。

脈之行度一晝一夜，復朝寸口。榮衛氣衰，寸口之脈遲緩不逮，身癢癢疹，非但風見於外，由榮衛氣弱自致津凝血滯也。胸滿非獨風見於內，由榮衛不行，邪混胸中阻遏正氣也。榮衛氣衰，邪之入府入藏，孰從禁之，故以寸口脈辨其息數，斯邪入之

淺深可得而諦之耳。

昔人云。中府多着四肢。用一多字。明是卜度之辭。乃遂執此語。以當中府見症。何其疎耶。夫四未。在軀殼之外。非府也。若謂脾主四肢。脾更屬藏。而非府矣。大抵風淫未疾。但是風淫於內。毋論中經中府。中藏必四未爲之不用。其不專屬中府明矣。然則四肢何以不舉耶。人身榮衛正行於軀殼之中者也。風入榮衛。卽邪氣盛而本氣衰。如樹枝得風。非搖則折。故知四肢不舉者。榮衛之氣短縮不行所致也。

中藏多滯九竅。此亦小度之辭。五藏開竅於眼耳
鼻口舌固矣。而前後二陰之竅。又屬腑不屬藏。未
可並舉也。五藏非一齊俱中。但以何竅不利。驗何
藏受邪。差可耳。然諸家舍外候。別無內諦之法。且
無畫一之方。又何疎耶。蓋風中入藏。關係生死。安
危辨症。既不清。用藥自不當。故特引內經金匱與
義詳之如左。

風中五藏後世忽略。諸家方論無津可問。茲會經意
以明其治。經曰。肺中於風多汗惡風。時咳。晝差暮甚。
診在膺上。其色白。此舉其外候也。金匱曰。肺中風狀。

口燥而喘。身運而重。胃虛而腫脹。則并詳其內證矣。
經曰。死肺脉來如物之浮。如風吹毛。此形其浮散之
狀也。至金匱則曰。肺死藏浮之虛。按之弱。如蔥葉下
無根者死。合沉以徵其浮。而藏氣之存否。始得煥然
無疑矣。大凡仲景表章內經。皆自出手眼。以述爲作。
學者知之。他藏倣此。

風既中肺。則火熱隨之。耗其津液。搏其呼吸。口燥
而喘。勢有必至。然未入之先。已傷及榮衛所主之
肌肉。水穀所容之胃府。逮風入肺而亂其魄。運用
之機盡失。故身運而重。胃虛而腫脹等證。相因互

見也。然藏氣未絕，猶屬可生。若脈見浮之而虛，其藏真欲散，可知。加以有浮無沉，按之弱如蔥葉，則在上之陽不下入於陰矣。其下無根，則孤陰且以漸而亡矣。內經死陰之屬，不過三日而死者，正指此等無根之脈而言也。

經曰：肝中於風，多汗惡風，善悲，色蒼，監乾，善怒，時憎女子。診在目下，其色青。金匱曰：肝中風者，頭目瞤而脇痛，行常偃，令人嗜甘。肝死藏，浮之弱，按之如索不來，或曲如蛇行者死。

風木之藏，更中於風，風性上搖，必頭自瞤動，風耗

血液必筋脉縱急其死脉浮之弱按之如按索不
來則浮沉之間陰陽已見決離或曲如蛇行仍是
上下不動惟在中者儘力奔迫皆藏氣垂絕之象
也

經曰心中於風多汗惡風焦絕善怒嚇病甚則言不
可快診在口其色赤金匱分爲二候其曰心中風者
翁翁發熱不能食心中飢食即嘔吐此外因也其曰
心傷者勞倦即頭面赤而下重心中痛而自煩發熱
當躋跳其脉弦此內因地心死藏浮之實如麻豆按
之益躁疾者死

心藏中風。分之爲二者。其一以外入之風。必從他藏。迸至。心不受邪。故也。宜隨其藏氣。兼去其風。其一以七情內傷神明。真陰不守。而心火炎上。頭目發赤。藏真既從火上炎。陰之在下者。無陽以舉之。則下重。其衛外之陽。不得入通於心。則發熱。其受盛之府。藏氣不交。鬱而內鼓。則當臍跳動。死心則內經形容不一。仲景總會大意。謂心藏垂絕之脈。一舉一按。短數而動。浮沉不可息。數之狀。若此。經曰。脾中風狀。多汗惡風。身體怠惰。四肢不欲動。色薄微黃。不嗜食。診在鼻上。其色黃金匱曰。脾中風者。

翕翕發熱形如醉人。腹中煩重皮目矍矍而短氣。脾
死狀浮之大堅。按之如覆杯。漻漻狀如搖者死。

風入脾藏爲賊邪。外掣皮目內亂意識。四肢怠惰。
形如醉人有必至也。加以胸中短氣脾藏之傷已。
見一斑。若脉更來去至止不常。浮之益大堅。是爲
獨陽。按之漻漻狀如搖。是爲獨陰。故其動非活動。
轉非圓轉。非藏氣之垂絕而何。

經曰腎風之狀多汗惡風。面癰然如腫。脊痛不能正
立。其色焔。隱曲不利。診在肌上。其色黑。金匱。此腎
死藏。浮之堅。按之亂。如轉丸。益下入尺中者死。

面癰然浮腫者腎氣不能蟄封收藏濁氣上干於
面也。脊痛不能正立者腎間生氣不鼓腰府憊而
僂俯與隱曲不利同一源也。金匱雖見缺文大要
兩腎藏精宅神一身根本多慾致虛風最易入腰
曲脊垂舌卷小便不禁皆其候也。中腎從來兼此
四者本實先撥可知。然腎藏真陽腎基未之真陽
可居必無死脉。若浮之而堅陽已離於陰位按之
亂如轉丸則真陽搏激而出不能留矣。若益下入
尺中則真陽先去所餘孤陰亦亂而下趨。正所謂
陽從上脫陰從下脫也。

風中入藏。最防進入於心。後世悉用腦麝引風入心。尤而效之。莫有知其非者。茲舉金匱二方。以明其治。侯氏黑散。一治中風四肢煩重。心中惡寒不足者。外臺用之。以治風癱。仲景製方。皆匠心獨創。乃於中風證。首引此散。豈非深服其長乎。夫立方而但驅風補虛。誰不能之。至於驅之補之之中。行其堵截之法。則非思議可到。方中取用礬石。以固澀諸藥。使之留積不散。以漸填其空竅。服之日久。風自以漸而熄。所以初服二十日。不得不用溫酒調下。以開其痺着。以後則禁諸熱食。惟宜冷食。如此再

四十日則藥積腹中不下。而空竅填矣。空竅填則舊風盡出。新風不受矣。蓋礬性得冷即止。得熱即行。故囑云。熱食即下矣。冷食自能助藥力。抑何用意之微耶。

風引湯。②治大人風引。少小驚癇。瘵瘵。日數十發。醫所不療。除熱方。可見大人中風牽引。少小驚癇。瘵瘵。正火熱生風。五藏亢甚。歸进入心之候。蓋驚癇之來。初分五藏後进入心。故同治也。巢氏用此治脚氣。豈非以石性易於下達。可勝其濕熱。不使攻心乎。夫厥陰風本。與少陽相火同居。火發必風。

生風生必挾本勢侮其脾土。故脾氣不行。聚液成痰。流注四末。因成癱瘓。用大黃爲君。以蕩滌風火熱濕之邪矣。隨用乾薑之止而不行者。以補之用。桂枝甘草以緩其勢。用諸石藥之瀦以堵其路。而石藥之中。又取滑石石羔清金以伐其木。赤白石脂厚土以除其濕。龍骨牡蠣以收斂其精神。魂魄之紛馳。用寒水石以助腎水之陰。俾不爲陽光所劫。更用紫石英以補心神之虛。恐主不安。則十二官皆危也。明此以治入藏之風。游刃有餘矣。何後世以爲石藥過多。舍之不用。而用腦麝以散其真。

氣花蛇以增其惡毒。智耶愚耶而不解矣。

按金匱風引湯當在侯氏黑散之下。本文有正氣引邪。啗僻不遂等語。故立方卽以風引名之。侯氏黑散。顛主補虛以熄其風。此方兼主清熱火濕。以除其風也。集者誤次於寸口脉遲而緩之下。則證與方不相涉矣。

風中五藏其來有自。藏氣先傷後乃中之。火熱氣濕痰虛六賊勾引深入。一旦卒倒無知。遍身牽引。四末不用。但得不死。亦成癱瘓。何藏先傷。調之使平。不令迸入於心。乃爲要也。

五藏各藏一神不可傷之。經謂神傷於思慮則肉
脫。意傷於憂愁則肢廢。魂傷於悲哀則筋變。魄傷
於喜樂則皮槁。志傷於盛怒則腰膝難以俛仰。是
風雖未入藏。真先已自傷。火熱氣濕。痰虛迎之內
入。多汗惡風等證。因之外出。治之難矣。善治者乘
風未入。審其何藏先傷。何邪徹土。綢繆最爲扼要
之法也。

中風外證。錯見不一。風火相煽。多上高巔。風濕相搏。
多流四末。手足麻未。但屬氣虛。關節腫痺。濕痰凝滯。
偏正頭痛。愈風丹。三。目蠕面腫。胃風湯。四。風濕。

薏苡仁湯(五)排風湯(六)麻木人參補氣湯(七)腫

痺舒筋散(八)

寒熱似瘧解風為宜風藏痰隧搜風最當

解風散(九)搜風丸(十)

經絡及府治分淺深表裏之邪大禁金石

中絡桂枝湯(十一)中經小續命湯加減(十二)表裏兼

治防風通聖散(十三)祛風至寶膏(十四)攻裏三化湯

(十五)搜風丸(十)

左癱右瘓風入筋骨宣導其邪緩以圖之

舒筋保安散(十六)

卒中淮藥宜用辛香開痰行氣調入蘇合

南星湯調蘇合丸(七)順氣散(八)勻氣散(九)稀涎

散(十)

四肢不舉有虛有實陽明虛則宗筋失潤不能束骨而利機關陽明實則肉理緻密加以風邪內滯正氣自不週流也

虛用六君子湯(十一)實用三化湯谷承氣湯(十二)

口眼喎斜邪急正緩左急治左右急治右先散其邪次補其正

左急三聖散(十三)右急勻氣散(十四)

轉舌正舌方名雖美少陰脉榮舌本三年之艾不言標矣資壽解語猶爲近之

轉舌膏 正舌散 資壽解語湯

風初入府肌肉蠕動手足牽強面腫能食胃風宜投

胃風湯

風初入藏發熱燥煩先用瀉青兼解表裏次用愈風磨入四白

瀉青丸 愈風湯 四白丹

養血豁痰柄鑿不入先其所急不宜並施

養血大秦芎湯 當歸地黃湯 天麻丸 豁

痰滌痰湯。青州白丸子。熱痰竹瀝荆瀝湯。

貝母瓜蒌散。陰虛夾痰。千金地黃湯。

心火內蘊。膈中如燔。涼膈清心。功見一斑。心血內虧。恍惚不寐。服二丹丸。可以安睡。火盛壯水。勿辭迂緩。水升火降。枯回燥轉。

涼膈散。清心散。二丹丸。壯水地黃湯。

真陽上脫。汗多肢冷。氣喘痰鳴。此屬不治。黑錫三建。引陽回宅。水土重封。虞淵浴日。

黑錫丹。三建二香湯。

引水泛痰。真陽未脫。治以星附。十中九活。

星附湯 ㊟

外風暴發。內風易熾。熱漑甘寒。避居密室。毋見可欲。毋進肥鮮。謹調千日。重享天年。

世傳中風之人。每遇外風一發。宜進續命湯以禦之。殊爲不然。風勢纔定。更用續命湯。重引風入。自添蛇足也。惟用甘寒藥。頻頻熱服。俾內不召風。外無從入之路。且其寒一可息。風三可補。虛三可久。服何樂不用耶。

律五條

凡風初中經絡。不行外散。反從內奪。引邪深入者。醫

之過也。

治中風。壹如治傷寒。不但邪在三陽。引入三陰。爲犯大禁。卽邪在太陽。引入陽明。少陽。亦爲犯禁也。故風初中。絡卽不可引之。入經中。經卽不可引之。入府中。府卽不可引之。入藏。引邪深入。釀患無窮。乃至多死。少生。可無戒歟。

凡治中風。自汗證。反利其小便者。此醫之過也。毋論風中淺深。但見自汗。則津液外出。小便自少。若更利之。使津液下竭。則榮衛之氣轉衰。無以制風火之勢。必增其煩熱。而真陰日亡也。况陽明經。

利其小便。尤爲犯禁。少陰經利其小便。必失溲。而殺人矣。可無戒歟。

凡治中風病。不明經絡府藏。徒執方書。妄用下法者。必至傷人。醫之罪也。

風中經絡。只宜宣之。使散。誤下則風邪乘虛入府。入藏。釀患無窮。若夫中藏之候。多有平素積虛。藏真不守者。下之立亡。不可不慎。惟在胃府一證。內實便秘者。間有可下。然不過解其煩熱。非大下也。所謂一氣之微汗。一旬之微利。亦因可用始用之。至於子和以下立法。機要以中藏者。宜下爲言。則

指下爲定法。胡可訓耶。然中藏有緩急二候。中府日久熱勢深極。傳入藏者。此屬可下而下。必使風與熱俱去。填其空竅。則風不再生。若開其瘀壅。必反增風勢。何以下爲哉。其卒虛身中急證。下藥入口。其人卽不甦矣。可無辨歟。後世以中府之便秘。指爲中藏。見其誤下。不致損人。益信子和機要之法。爲可用。設遇真中藏證。下不中病。難可復追矣。凡治中風。四肢不舉。證不辨虛實。妄行補瀉者。醫之過也。

四肢不舉。皆屬脾土。膏粱太過。積熱內壅者。爲脾

土瘀實宜瀉以開其壅。食少體羸怠惰嗜卧者爲脾土虛衰宜補以健其運。若不辨而實者補之虛者瀉之寧不傷人乎。

凡治外中於風不辨內挾何邪誤執一家方書冀圖弋獲其失必多醫之過也。

風邪從外入者必驅之使從外出然挾虛者非補虛則風不出挾火者非清熱則風不出挾氣者非開鬱則風不出挾濕者非導濕則風不出挾痰者非豁痰則風不出河間東垣丹溪各舉一端以互明其治後學不知變通但宗一家爲主治倘一病

兼此五者。成方果安在。況不治其所有。反治其所。無寧不傷人乎。

附風痺

法一條

岐伯謂中風大法有四。一曰偏枯。半身不遂。二曰風痺於身。無痛。四肢不收。三曰風懿。奄忽不知人。四曰風痺。諸痺類風狀。後世祖其說而無其治。金匱有古今錄驗三方。可類推之。

經謂內奪而厥。則爲風痺。仲景見成方中。有治外感風邪。兼治內傷不足者。有合經意。取其三方。以示法程。一則曰古今錄驗續命湯。再則曰千金三

黃湯三則曰近効白朮附子湯。前一方治榮衛素虛而風入者。中一方治虛熱內熾而風入者。後一方治風已入藏脾腎兩虛兼諸痺類風狀者。學者當會仲景意而於淺深寒熱之間以三隅反矣。

古今錄驗續命湯 聖 千金三黃湯 聖

近効白朮附子湯 聖

附風懿

按風懿曰奄忽不知人。即該中風卒倒內金匱不重舉其證。意可知矣。

附風痺 法七條

中風四證。其一曰風痺。以諸痺類風狀。故名之也。然雖相類。實有不同。風則陽先受之。痺則陰先受之耳。致痺之因。曰風。曰寒。曰濕。互相雜合。匪可分屬。但以風氣勝者爲行痺。風性善行故也。以寒氣勝者爲痛痺。寒主收急故也。以濕氣勝者爲著痺。濕主重滯故也。

邪之所中。五淺五深。不可不察。在骨則重而不舉。在筋則屈而不伸。在肉則不仁。在脉則血凝而不流。在皮則寒。此五者在軀殼之間。皆不痛也。其痛者。隨血脉上下。寒凝汁沫。排分肉而痛。雖另名周痺。外隸於

血脈之中也。骨痺不已。復感於邪。內舍於腎。筋痺不已。復感於邪。內舍於肝。脈痺不已。復感於邪。內舍於心。肌痺不已。復感於邪。內舍於脾。皮痺不已。復感於邪。內舍於肺。此五者亦非徑入五藏也。五藏各有合。病久而不去。內舍於其合也。蓋風寒濕三氣雜合。牽制非若風之善行易入。故但類於中風也。

經論諸痺至詳。然有大闕。且無方治。金匱補之一曰血痺。二曰胸痺。三曰腎着。四曰三焦痺。

金匱論血痺。謂尊榮人骨弱。肌膚盛重。因疲勞汗出。卧不時動搖。加被微風。遂得之。但以脈自微澹。在寸

口闕上小緊。宜鍼引陽氣。令脈和緊去。則愈。血痺
陰陽俱微。寸口闕上微。尺中小緊。外證身體不仁。如
風痺狀。黃芪桂枝五物湯主之。〔完〕

經但言在脈則血凝而不流。金匱直發其所以不
流之故。言血既痺。脈自微濇。然或寸或闕或尺。其
脈見小緊之處。卽風入之處也。故其鍼藥所施。皆
引風外出之法也。

金匱論胸痺脈證。并方治。釋明入二卷胸寒痺痛條
下。此不贅。

金匱腎着之病。其人身體重。腰中冷。如坐水中。形如

水狀。反不渴。小便自利。飲食如故。病屬下焦。身勞汗出。衣裏冷濕。久久得之。腰以下冷痛。腹重如帶。五錢。甘薑苓朮湯主之。（季）

經。但。言。骨。痺。不。已。復。感。於。邪。內。舍。於。腎。仲。景。知。濕。邪。不。能。傷。腎。藏。之。真。不。過。舍。於。所。合。故。以。身。重。腰。冷。等。證。爲。言。曰。飲。食。如。故。曰。病。屬。下。焦。意。可。知。矣。然。濕。土。之。邪。賊。傷。寒。水。恐。害。兩。腎。所。主。生。氣。之。原。關。係。尤。大。故。特。舉。腎。着。一。證。立。方。以。開。其。痺。着。

金匱復有總治三痺之法。今誤編歷節黃汗之下。其曰。諸。肢。節。疼。痛。身。體。魁。癩。脚。腫。如。脫。頭。眩。短。氣。遇。濕。

欲吐。桂枝芍藥知母湯主之。是也。（至）

短氣中焦痺之候也。屬連頭眩。即爲上焦痺矣。
遇濕欲吐。中焦痺也。脚腫如脫。下焦痺也。肢節疼
痛。身體魁癢。筋骨痺也。榮衛筋骨三焦俱病。又立
此法以治之。合四法以觀精微之蘊。仲景真百世
之師矣。

治痺諸方不另立門。姑附風門之後。實與治風不
侔。不可悞施。

痺症瑣屑。不便立法者。俱於用方條下發之。宜逐
方網玩。

律一條

凡治痺症不明其理以風門諸通套藥施之者醫之罪也

痺症非不有風然風入在陰分與寒濕互結擾亂其血脉致身中之陽不通於陰故致痺也古方多有麻黃白芷者以麻黃能通陽氣白芷能行榮衛然已入在四物四君等藥之內非顯發表明矣至於攻裏之法則從無有用之者以攻裏之藥皆屬苦寒用之則陽愈不通其痺轉入諸府而成死症者多矣可無明辨而深戒歟

風門雜法七條

鶴膝風者。卽風寒濕之痺於膝者也。如膝骨日大。上下肌肉日枯細者。且未可治其膝。先養血氣。俾肌肉漸榮。後治其膝可也。此與治左右半身偏枯之證大同。夫旣偏枯矣。急溉其枯者。然後旣枯者。得以通氣而復榮。倘不知從氣引血。從血引氣之法。但用麻黃防風等散風之套藥。鮮有不全枯而速死者。故治鶴膝風。而亟攻其痺。必并其足痿而不用矣。比而論之。其治法不益明乎。

古方治小兒鶴膝風。用六味地黃丸。加鹿茸牛膝。其

八味不治其風。其意最善。蓋小兒非必爲風寒濕所痺。多因先天所稟。腎氣衰薄。陰寒凝聚於腰膝。而不解從外。可知其內也。故以六味丸補腎中之水。以鹿茸補腎中之火。以牛膝引至骨節。而壯其裏。擷之筋。此治本不治標之良法也。舉此爲例而推之。

破傷風之證最難治。人之壯盛者。隨其外證用表裏中三法。及驅風之藥。此無難也。人之素弱。及老人小兒。或因跌仆去血過多。或因瘡口濃水淋漓。未合風邪乘虛深入血分者。宜比治血痺之例。四物

湯中加去風藥可也。其元氣大虛不勝外風。昏迷厥逆。證屬危急者。先進獨參湯。隨進星附湯。驅治虛風可也。其外科及軍中備急諸方。皆爲壯盛者而設。預備以俟。破傷證。隨卽灌藥。故其功效敏捷。非方之有奇特也。倘風入旣久。必難爲功矣。欲爲大醫。備急諸藥不可不蓄。和榮湯。急風

散

獨聖散

再論半身不遂。口眼喎斜。頭目眩暈。痰火熾盛。筋骨時疼。乃原於血虛血熱。挾痰挾火。經絡肌表之間。先已有其病根。後因感冒風寒。或過嗜醇酒膏粱。

而助痰火或惱怒而逆肝氣遂成此證。其在於經絡肌表筋骨之間。尙未入於藏府者。並以通榮衛爲治。如和榮湯中。有補血活血之功。不至於滯。有健脾燥濕消痰之能。不致於燥。又清熱運動。疎風開經絡。通腠理。內固根本。外散病邪。王道劑也。多服可以見功。

凡治癘風之法。以清榮衛爲主。其汗宜頻發。血宜頻刺。皆清榮衛之捷法也。生虫由於肺熱。其清肅之令不行。故由皮毛漸入。腠理胃腸。莫不有虫。清其金。則虫不驅自熄。試觀金風一動。旱魃絕蹤。其理

明矣。然清肺亦必先清榮衛。蓋榮衛之氣腐而不清。傳入于肺。先害其清。肅之令故也。苦藥雖能瀉肺殺虫。亦能傷胃。不可久服。胃者榮衛從出之源也。久服苦寒。榮衛轉衰。而腐敗壅鬱。不可勝言矣。所以苦參丸之類。榮衛素弱。穀食不充之人。不宜服也。大楓子油。最能殺虫驅風。然復過於辛熱。風未除而目先壞者多矣。其硫黃酒服之。必致腦裂之禍。又醉仙散入輕粉和末。日進三服。取其人昏昏若醉。毒涎從齒縫中出。癘未瘥而齒先落矣。蓋除癘之藥。服之近而少。癘必不除。服之久且多。癘

雖除藥之貽害更大。惟易老祛風丸。東坡四神丹。二方可以久服取效。取爲法焉。祛風丸(三) 四

神丹(美)

要知脉風成則爲癘。然人之榮血正行於十二經脉之中者也。用平善之藥。生血清熱爲主。驅風殺虫爲輔。更行汗之刺之之法。無不愈者。且非極意懲創之人。不可與治。以戒色慾。禁口腹二者。非烈漢不能也。

痛風一名白虎歷節風。實卽痛痺也。經旣言以寒氣勝者爲痛痺矣。又言凡傷於寒者皆爲熱病。則用

藥自有一定之權衡。觀金匱用附子烏頭必用於表散藥中。合桂枝麻黃等藥同用。卽發表不遠熱之義。至攻裏必遵內經不遠於寒可知矣。諸家方中不達此義。卽攻裏槩不遠熱。獨千金犀角湯一方深有合於經意。特表之爲例。犀角湯。更有內熱因血虛熾盛。始先表散。藥中蚤已不能用辛熱者。卽當取夏月治溫熱病之表法爲例。諸家復無其方。獨本事方中有牛旁子散。先得我心。亦并表出。牛旁子散。

(庚)

(辛)

中風門諸方卷三

①侯氏黑散

治大風四肢煩重。心中惡寒不足者。

外臺治風癩方論。見前法中。然以菊花為君。

亦恐風邪乘虛。进入心藏故也。

菊花 四十分 白朮 十分 細辛 三分 茯苓 三分

牡礪 三分 桔梗 八分 防風 十分 人參 三分

礬石 三分 黃芩 三分 當歸 三分 乾薑 三分

芎藭 三分 桂枝 三分

右十四味杵為散。酒服方寸七日三服。初服

二十日用溫酒調服。禁一切實肉大蒜。常宜

冷食六十日止。即藥積在腹中不下也。熱食即下矣。冷食自能助藥方。

三風引湯

除熱癰方論見前法中。蓋風者外司

厥陰。內屬肝木。上隸手經。下隸足經。中見少

陽相火。斤以風自內發者。由火熱而生也。風

生必害中土。土主四肢。土病則四末不用。聚

液成痰癰瘕者。以風火挾。痰注於四支故也。

觀金匱此方。可見非退火。則風必不熄。非填

竅。則風復生。風火一熾。則五神無主。故其用

藥如是之周到也。

大黃

乾薑

龍骨 各四兩

桂枝 三兩

甘草

牡蠣 各二兩

滑石

石膏

寒砒

赤脂

皂脂

紫石英 各六兩

右十二味杵麤篩以韋囊盛之取三指揚并
花水三升煮三沸溫服一升治大人風引少
小驚癇瘖日數十發醫所不療除熱方
巢氏用此方治脚氣

三愈風丹

治諸風證偏正頭痛

防風通聖散四物湯黃連解毒湯各一料加

羌活

細辛

甘菊花

天麻

獨活

薄荷

何首烏 各兩

右爲細末。煉蜜丸。如彈子大。每服一丸。細嚼。茶清下。不拘時服。

按外風與身中之火熱相合。以陽從陽。必上攻於頭。然風火盛。榮血必虧。故其藥如是也。
四胃風湯 治虛風證。能食手足麻木。牙關急搐。目

內蠕。瞶胃風面腫。

升麻

白芷

各二錢分

麻黃

葛根 各一錢

當歸

蒼朮

甘草 炙

柴胡

羌活

藁本

黃柏

蔓豆蔻

蔓荊子各五分

右水二盞。薑三片。棗一枚煎一盞。去滓服。

按風入胃中。何以反能食。蓋風生其熱。即內經痺成爲消中之理也。方中但去其風。不去其熱者。以熱必隨風外解。不必加治耳。

〔五〕薏苡仁湯 治中風手足流注疼痛麻痺不仁難

以屈伸。

薏苡仁 三錢 當歸

芍藥 各二錢 麻黃 五分

官桂 五分

蒼朮 米泔水浸 炒錢五分

甘草 八分

右水二盞。生薑七片。煎八分。去渣溫服。食前

下。自汗減麻黃。有熱減官桂。

按此為風濕相搏。關節不利之證。故用藥如是也。

⑥排風湯 治風虛冷濕。邪氣入臟。狂言妄語。精神

錯亂及五臟風發等證。

防風 白朮 當歸 芍藥

肉桂 杏仁 川芎 白鮮皮

甘草 各一錢 麻黃 茯苓 獨活 各三錢

右作二服。每服水二盞。薑三片。煎七分。去渣

服。

按虛風冷濕雖已入臟其治法必先宣之使從外散故用藥如是也。

⑦人參補氣湯 治手指麻木。

人參

黃芪 各二錢

升麻

柴胡

芍藥

萐草

炙甘草

五味子

各五分

右水一盞煎至五分食遠臨睡服渣再煎

按諸陽起於指手指麻木風已見端宜亟補其氣以禦外入之風故用此為綢繆計也。

⑧舒筋保安散 治左癱右瘓筋脉拘攣身體不遂。

脚腿少力乾濕脚氣及濕滯經絡久不能去。

宣導諸氣

木瓜 五兩 草薺

蠶脂

牛膝 酒浸

續斷

白僵蠶 炒

松節

白芍藥

烏藥

天麻

威靈仙

黃芪

當歸

防風

虎骨 酒炙各兩

右用無灰酒一斗。浸上藥。二七日。緊封扎。日足。取藥焙乾。搗為細末。每服二錢。用浸藥酒調下。酒盡。用米湯調下。按此治風濕搏結於筋脉之間。凝滯不散。阻遏正氣。不得通行。故用藥如是也。

九解風散

治風成寒熱頭目昏眩肢體疼痛手足

麻痺上鬲壅滯

人參

兩半 麻黃 二兩

川芎

獨活

細辛

甘草

各二兩

右為細末每服五錢水盞半生薑五片薄荷

葉少許煎入分不拘時服

按風成爲寒熱乃風入胃中而釀榮衛之偏

勝第四方胃風湯正驅胃風使從外解之藥

此因風人既久胃氣致虛故以人參爲君臣

以麻黃川芎佐以獨活細辛使以甘草而和

其榮衛乃可收其外解之功也。若夫久風成爲滄。泄則風已入於裏。又當用人參爲君。桂枝。白朮爲臣。茯苓。甘草爲佐。使而驅其風於內。此表裏之權衡。內經之旨要也。本方雖用風成寒熱四字。漫無着落。今并及之。

⑩搜風順氣丸

治風燥便祕。因致氣閉不行。暫時

用之以疎風潤燥順氣。殊不可少。本方條下過於誇大。謂久服百病皆除。老者還少。豈理也哉。然又云孕婦勿服。如服藥覺藏府微痛。以羊肚肺羹補之。則其藥有偏峻。不可久服。

明矣

車前子 一兩半

白檳榔

火麻子 微炒去壳

牛膝 酒浸

郁李仁 湯炮去毒

兔絲子 製

乾山藥 各二兩

枳壳 麩炒

防風

獨活 各二兩

大黃 五錢生半熟

右為末煉蜜為丸如梧桐子大每服二十九

酒茶米飲任下空心臨卧各一服去腸風宿

滯并腸風下血

桂枝湯

治風從外來人客於絡留而不去此方

主之

桂枝

芍藥

甘草

生薑 各三錢

大棗二枚

右用水盞半微火煎八分。溫服。須臾啜熱稀粥以助藥力。溫覆令一時許。遍身漿漿微似有汗者益佳。詳見尙論太陽上篇。

按此方爲中風一證。羣方之祖。不但風中入絡。卽中經中府中藏藥中皆當加入本方。以風從外入者。究竟必驅從外出故也。後人競用續命湯爲加減。此方置之不錄。未免得流忘源矣。又况源流俱失老哉。

續命湯

治中風不省人事。漸覺半身不遂口

眼歪斜。手足戰掉。語言寒。三肢體麻痺。精神昏亂。頭目眩暈。痰火并多。筋脉拘急。不能屈伸。骨節煩疼。不得轉側。諸風服之皆驗。脚氣緩弱。久服得瘥。久病風人。每遇天色陰晦。節候變易。預宜服之。以防暗啞。

防風

桂心

黃芩

杏仁

去皮

芍藥

茸草

川芎

麻黃

去節

人參

各錢

防已

二錢

大附子

炮七分

右咬咀作二貼。每貼水盞半。薑五片。棗一枚。煎八分服。

精神恍惚。加茯神。遠志。骨節煩疼。有熱者。

去附子。倍芍藥。無熱者。倍官桂。附子。心煩。

多驚。加犀角。嘔逆。腹脹。加半夏。倍人參。

煩躁。大便澀。去附子。倍芍藥。加竹瀝。藏寒。

下利。去防己。黃芩。倍附子。加白朮。自汗去。

麻黃杏仁。加白朮。腳膝弱。加牛膝。石斛。

身痛。加秦芫。腰痛。加桃仁。杜仲。薑汁炒。

失音。加杏仁。

按此方無分經絡。不辨虛實寒熱。若不細辨。加減。難以取効。今并錄易老六經加減法。爲

例。川方者師其意焉可矣。

易老六經加減法

麻黃續命湯。治中風無汗惡寒。本方中麻黃杏仁防風各加一倍。

桂枝續命湯。治中風有汗惡風。本方中桂枝芍藥杏仁各加一倍。二證皆太陽經中風也。白虎續命湯。治中風有汗身熱不惡寒。本方中加知母石膏各一錢四分。去附子。

葛根續命湯。治中風身熱有汗不惡風。本方中加葛根桂枝黃芩各一倍。二證皆陽明經

中風也。

附子續命湯。治中風無汗身涼。本方中加附子一倍。乾薑甘草各一錢。此證乃太陰經中風也。

桂附續命湯。治中風有汗無熱。本方中加桂枝附子甘草各一倍。此少陰經中風也。

羌活連翹續命湯。中風六證混淆繫之於少陽厥陰。或肢節攣痛。或麻木不仁。本方中加羌活連翹各一錢半。

③ 防風通聖散

治諸風潮搐手足痿痺小兒急驚

風大便結邪熱暴甚。肌肉蠕動。一切風症。

防風

川芎

當歸

芍藥

大黃

芒硝

連翹

薄荷

麻黃

山梔子

石膏

桔梗

黃芩

白朮

荆芥

甘草

滑石

各五分

右水二盞。薑三片。煎至八分服。涎嗽加半夏。

生薑製。開結加大黃二錢。破傷風加羌活全。

蝎各五分。腰脇痛加芒硝當歸各一錢。

按此方乃表裏通治之輕劑。用川芎當歸芍。

藥白朮以和血益脾所以汗不傷表下不傷裏可多服也。

〔齒〕祛風至寶膏 治諸風熱

防風 一兩半 白朮 一兩半 芍藥 二兩半 芒硝 五錢

石膏 一兩 滑石 三兩 當歸 二兩半 黃芩 一兩

甘草 二兩 大黃 五錢 連翹 五錢 川芎 二兩半

麻黃 一兩去毒 天麻 一兩 荆芥 五錢 梔子 五錢

熟地黃 一兩 黃柏 五錢 桔梗 一兩 薄荷 五錢

羌活 一兩 人參 一兩 全蝎 五錢 細辛 五錢

黃連 五錢 獨活 一兩

右爲細末。煉蜜丸。彈子大。每服一九。細嚼茶酒任下。臨卧服。

按此方亦表裏通治。卽前防風通聖散十七味。更加熟地黃益血。人參益氣。黃栢黃連除熱。羌活獨活天麻全蝎細辛去風。乃中風門中不可移易之顯方。又非前通套泛用之方比也。

五 不換金丹

退風散熱治中風口喎。

荆芥穗

僵蠶

天麻

甘草

各二兩

羌活

川芎

白附子

烏頭

蝎梢

藿香葉

各半兩

薄荷葉

三兩

防風

一兩

右為未煉蜜丸彈子大每服一丸細嚼茶酒
住下塗喎處亦可

按此方祛風之力頗大至清火散熱殊未必
然大勢風而挾寒痰氣窒閉者宜之

〔六〕三化湯

治中風外有六經之形證先以加減續
命湯主之內有便溺之阻隔此方主之

厚朴

大黃

枳實

羌活

各等分

每服一兩水煎

按此乃攻裏之峻劑非堅實之體不可輕服

蓋傷寒證。胃熱腸枯。不得不用大承氣以開其結。然且先之以小承氣調胃。承氣恐誤用不當。即傷人也在中風證。多有虛氣上逆。關隘阻閉之候。斷無用大承氣之理。古方取藥積腹中不下。以漸填其空竅。俾內風自熄。奈何今人每問竅以出其風。究竟竅空而風愈熾。長此安窮也哉。

七攝生飲調蘇合丸 治一切卒中。不論中風中寒。

中暑中濕中氣。及痰厥飲厥之類。初作皆可。用此。先以皂角去皮弦。細辛生。南星半夏爲

末吹入鼻中。俟其噴嚏即進前藥。牙禁者中。

指點南星半夏細辛末并烏梅肉頻搽自開。

天南星

圓白者盪紙裹煨

稟杏

蒼朮

細辛

甘草

生用

芫花

各一錢

半夏

湯煨少損錢半

右件剉散分二服水一盞半生薑七厚片煎

取其半乘熱調蘇合香丸半丸灌下痰盛者

加全蝎二枚灸

按此方治卒中氣閉痰迷不得不用之劑但

正氣素虛之人不能當膳麪及辛香推枯拉

朽之勢裁節而用十之二三可也其牛黃清

心丸與蘇合丸異治熱阻關竅可用牛黃丸
開之寒阻關竅可用蘇合丸開之其口開手
撒遺尿等死症急用人參附子峻補間有得
生者若牛黃蘇合之藥入口即斃此無異以
千鈞鎮一絲也

①烏藥順氣散 治風氣攻注四肢骨節疼痛遍身

頑麻及療癱瘓。語言蹇澀。脚氣步履多艱。手
足不遂。先宜多服此藥。以疎氣逆。然後隨證
投以風藥。

麻黃 去節
陳皮 去白
烏藥 去各三兩
僵蠶 炒去嘴

川芎

白芷

甘草 炙

枳壳 麩炒

桔梗

各二兩

乾薑

炮五錢

右為末。每服三錢。水一盞。薑三片。棗一枚煎。

憎寒壯熱。頭痛。身體倦怠。加蔥白三寸煎。併服出汗。或身體不能屈伸。溫酒調服。

按中風證。多挾中氣。不但卒中急證為然。凡是中風證。皆有之。嚴用和云。人之元氣強壯。榮衛和平。腠理緻密。外邪焉能為害。或因七情飲食勞役。致真氣先虛。榮衛空疎。邪氣乘虛而入。故致此疾。若內因七情而得者。法當

調氣不當治風外因六淫而得者亦當先調氣後依所感六氣治之此良法也宜八味順風散嚴氏此說於理甚富其用八味順氣散乃人參白朮茯苓甘草陳皮六君子湯中用其五加烏藥青皮白芷共八味爲劑較前局方烏藥順氣散不用麻黃枳桔檳蠶等風藥正先治氣後治風之妙者後人反惜其說有未備且謂方中不當雜入白芷吹毛責備詎知白芷香而不燥正和榮衛之善藥也和劑合兩方取用乾薑人參川芎陳皮桔梗厚朴

白芷甘草白朮麻黃更加葛根治感風頭痛
鼻塞聲重尙爲合宜故知論方不可橫以已
見也。

①九 勻氣散 治中風中氣半身不遂口眼喎斜先宜服此。

白朮 二錢 天麻 五分 沉香 白芷

青皮 甘草 各三分 人參 五分 烏藥 一錢半

紫蘇 木瓜 各三分

右水二盞薑三片煎八分服風氣腰痛亦宜服之。

按勻氣之說甚長。身內之氣有通無壅。外風自不能久居而易於解散。故知勻氣卽調氣之旨。非有兩也。

〔王〕稀涎散 治風涎不下。喉中作聲狀如牽鋸。或中

濕腫滿。

半夏

奢者竅

猪牙皂角

一箇炙

右咀作一服。水二盞煎一盞。入生薑自然汁少許。服不能嚥者。徐徐灌之。

按此以半夏治痰涎。牙皂治風比而成方。蓋因其無形之風挾有形之涎膠結不解。用此

二物俾涎散而風出也。其有涎多難散。又非小吐不可。則用明礬合牙皂等分爲未。白湯調服吐之。或用蘿蔔子合牙皂等分爲未。煎服半盞吐之。其風多涎少。人事不昏。則用蝦半斤。入醬蔥薑等料物水煮。先喫蝦。次喫汁。後以鵝翎探引吐之。活法在心。無施不當也。

③加味

六君子湯

治四肢不舉。屬於脾土虛衰者。

須用此顛治其本。不可加入風藥。

人參

白朮

茯苓

甘草

陳橘皮

半夏

各一錢

加竹瀝

半小盞

麥冬

三錢

右用水二盞薑三片棗二枚煎六分溫服口
渴去半夏加歲蕤石膏虛甚不熱者加附子
按中風門中從不錄用此方所謂治未而忘
其本也夫風淫未疾四肢不舉乃風淫於內
虛者多實者少審其果虛則以六君子加甘
寒藥如竹瀝麥冬之屬允爲治虛風之儀式
也。

三化湯 見第十六方

按經謂土太過則令人四肢不舉此真膏粱
之疾非肝腎經虛之比其治瀉令氣弱陽虛

土平斯愈。而用三化湯及調胃承氣湯。然土實之證。十不見一。非審諦無惑。未可嘗試也。

三聖散 治中風手足拘攣。口眼喎斜。脚氣行步不正。

當歸

酒洗炒

玄胡索

微炒

肉桂

煮皮等分

右爲末。每服二錢。空心溫酒調下。

按此方治血虛風入之顛劑也。故取以治口眼喎斜之左急右緩者。然血藥中而加地黃。白芍。秦芫。杜仲。牛膝。風藥中而加天麻。防風。羌活。白芷。細辛。或加獨活。以去腎間風。加

薛以除下焦熱又在隨證酌量矣

勻氣散 見第十方

取其方以治口眼喎斜之右急左緩者然倍用生熟甘草加苡仁以緩其急加麥冬歲時竹瀝以熄其風得効去白芷蘇葉可常服也

轉舌膏

治中風痰癱舌蹇不語

用涼膈散加菖蒲遠志各等分蜜丸彈子大硃砂爲衣薄荷湯化下臨卧或食後服 涼膈散見第三十八方

按此乃治心經蘊熱之方也

正舌散 治中風舌本強難轉語不正

蝟梢 壽毛筒 茯苓 一兩

右為細末每服一錢食前溫酒調服又擦牙更効

按此乃治風涎壅塞之方也

資壽解語湯 治中風脾緩舌強不語半身不遂

防風 附子 炮 天麻 礞石 各一錢

羚羊 鎊 官桂 各八分 羌活 甘草 各五分

石水二盞煎八分入竹瀝二匙薑汁二滴食遠服

按此方乃治風入脾臟舌強不語之證至於少陰脉榮舌本腎虛風入舌不能言喫緊之候古今從無一方及之昌每用此方去羌防加熟地何首烏枸杞子甘菊花胡麻仁天門冬治之獲効今特識於此方之下聽臨病之工酌用焉後檢宜明方有地黄飲子治腎虛氣厥不至舌下先得我心補錄 胃風湯 見第四方 治虛風證能食手足麻木

牙關急搐目內蠕眇胃風面腫

按虛風入胃反能食者乃風入而助其胃之火熱故比平常食加進也此去痺成爲消中

不遠。此方但治其風，不治其火熱，殊不合內經之旨。必於竹瀝、麥冬、花粉、葳蕤、石膏、生地、梨汁、甘寒藥中，加入升麻、葛根、甘草爲劑。始克有當。况風既入胃，內經述其五變曰：厥、嬴、日寒、熱、日消、中、日食、泄、日癘、風、隨人之寒、熱、或上、或下、變病若此，其可畏奈何！不習不察，徒欲檢方而治病，耶有志於醫者，自爲深造，無寄後人，離下可矣。

⑤ 瀉青丸

治中風自汗昏冒發熱不惡寒不能安

即此是風熱燥煩之故也

當歸

川芎

梔子

羌活

大黃

防風

龍膽草
各等分

大黃末。蜜丸。彈子大。每服一丸。竹葉湯化下。按此方以瀉青為名者。乃瀉東方甲乙之義也。風入厥陰。風木之蕪。同氣相求。其勢必盛。所慮者虛而眩暈。熱而燥煩。虛也。熱也。其可以為壯實而輕瀉之乎。審果壯實。乃可施此。審屬虛熱。必以四物湯全方。加人參竹瀝秦羌羌活八味為劑。始合法度也。

愈風湯

初覺風動服此不致倒仆。此乃治未病

之聖藥也。又治中風證。內邪已除。外邪已盡。當服此藥。以行導諸經。久服大風悉去。縱有微邪。只從此藥加減治之。然治病之法。不可失於通塞。或一氣之微汗。或一旬之通利。如此乃常服之藥也。久則清濁自分。榮衛自和矣。

羌活

甘草

防風

當歸

蔓荊子

川芎

細辛

黃芪

枳壳

人參

麻黃

白芷

甘菊

薄荷

拘梔子

知母

地骨皮

獨活

秦艽

黃芩

芍藥

蒼朮

生薑

各四兩

肉桂

一兩

右咀每服一兩水二盞生薑三片空心煎服。
 臨卧煎滓服空心一服吞下二丹丸謂之重劑。
 臨卧三服吞下四白丹丸謂之輕劑。假令一氣之微汗用愈風湯三兩加麻黃一兩作四服加薑空心服以粥投之得微汗則住。如一旬之通利用愈風湯三兩加大黃一兩亦作四劑如前臨卧服得利為度此藥嘗服之不可失四時之輔。

春將至大寒後。本方加半夏。人參。柴胡。謂迎而奪少陽之氣也。

夏將至穀雨後。本方加石膏。黃芩。知母。謂迎而奪陽明之氣也。

季夏之月。本方加防己。白朮。茯苓。謂勝脾之濕也。

秋將至大暑後。本方加厚朴。藿香。肉桂。謂迎而奪太陰之氣也。

冬將至霜降後。本方加附子。官桂。當歸。謂勝少陰之氣也。此藥四時加減。臨病酌宜。誠治

風證之聖藥也

按此一方相傳謂是愈風之聖藥。後人見其種種敷陳。吹第有法。駭以爲竒。而深信不疑。及用之治病。百無一愈。蓋似是而非。昌不得不爲辨之。其云初覺風動。服此不致倒仆。此乃治未病之聖藥也。夫覺風勢初動。不服端本澄原之藥。以固護其榮衛。良服風藥。而招風取中。以漢武之虛耗。稱爲成周之上理。其誰欺乎。又云內邪已除。外邪已盡。當服此以行導諸經。久服大風悉去。夫旣內邪除。外邪

盡廣服補益以養其正可也。豈有久服此藥之理耶。豈舍內邪外邪。別有大風當去耶。何其自呈缺漏耶。至於一旬通利。以本方一劑。加大黃二錢。或可。若夫一氣微汗。計本藥分七十二劑。每劑已用麻黃四分零。而此四劑中。各加二錢五分。如此重劑。豈微汗之劑耶。方中發汗之藥。已複用至十二味矣。必更重加麻黃。始爲微汗者何耶。仲景用桂枝湯解表。恐其力輕。故啜熱稀粥以繼之。用麻黃湯。恐其力重。多致亡陽。多方回護。豈有反投熱

粥之理後人無識奉此為第一靈寶寧知其
驕矜自用欺已欺人也哉

⑤四白丹 清肺氣養魄中風多昏冒緣氣不清利
也

白朮

白茯苓

人參

宿砂

香附

甘草

防風

川芎

各五錢

白芷

一兩

白檀香

一錢半

知母

二錢

羌活

一錢

薄荷

獨活

各三錢

細辛

二錢

麝香

一分

牛黃

龍腦

各五分

藿香

錢半

甜竹葉

一錢

右為細末煉蜜為丸每兩作十九臨睡嚼一

丸煎愈風湯送下。上清肺氣，下強骨髓。

按此方頗能清肺養魄。方中牛黃可用，而腦麝在所不取。以其耗散真氣，治虛風大非所宜。然本方以四君子湯作主，用之不爲大害。今更定牛黃仍用五分，龍腦麝香各用二分。取其所長，節其所短。庶幾可也。其他犯腦麝諸方，一概不錄。如牛黃清心丸、四君子藥中甘草，加至四倍，其意亦善。彷彿此爲例。腦麝裁酌用十之二，足可備清心寧神之用。其粵中蠟丸，腦麝原少，且經久蓄，品味和合，用時仍

濃煎甘草湯調服爲善方不贅

③大秦芫湯 治中風外無六經之形證內無便溺

之阻隔知血弱不能養筋故手足不能運動

舌強不能言語宜養血而筋自柔

秦芫 石膏各一錢 甘草 川芎

當歸 芍藥 羌活 獨活

防風 黃芩 白芷 生地黃

熟地黃 白朮 茯苓各七分 細辛五分

春夏加知母一錢

右水二盞煎如遇天陰加薑七片心下痞加

枳實五分

按此方既云養血而筋自柔。何得多用風燥之藥。既欲靜以養血。何復用風以動之。是其方與言悖矣。偶論三化湯。愈風湯。及大秦茺湯。三方爲似是而非。及查三方皆出機要方中。云是通真子所撰。不知其姓名。然則無名下士。爰亂後人見聞。非所謂一盲引衆盲耶。業醫者當深入理要。自具隻眼可矣。

〔三〕養血當歸地黃湯

當歸

地黃

川芎

芍藥

藁本

防風

白芷 各一錢
細辛 五分

右水二盞煎一盞通口食前溫服

按此出拔萃方中用血藥風藥各四味半潤半燥亦不善於立方者矣。即謂治本不可忘標。四物湯中加風藥一味足矣。因以此藥遍索諸方。適良方中有六合湯一方治風虛眩運。先得我心。用四物各一兩。秦芫羌活各半兩。雖用風藥二味。其分兩則仍一味也。舉此為例。方不重贅。

天麻丸

治風因熱而生。熱盛則動。宜以靜勝其

燥是養血也。此藥行榮衛壯筋骨。

天麻

牛膝

香酒浸
三晷乾

草薺

玄參

各四兩

杜仲

炒去絲

附子

炮二兩

羌活

四兩

當歸

十兩

生地黄

一觔

一方有獨活四兩去腎間風。

右為細末煉蜜丸。梧桐子大。每服五七十九。空心溫酒或白湯下。良久進食。服藥半月後。覺塞壅。以七宣丸疎之。

按此方大意。主治腎熱生風。其以天麻入牛膝。同製取其下達。倍用當歸。地黄。生其陰血。草薺。玄參。清下焦之濕熱。附子補下焦之真。

陽蓋惟腎中陽虛故風得以久據其地也用
羌活之獨本者即真獨活不必更加也吁嗟
多慾之人兩腎空虛有如烏風洞慘慘黯黯
漫無止息環視風門諸藥有一能勝其病者
乎此方雜在羣方內未易測識特表而出之

③滌痰湯 治中風痰迷心竅舌強口不能言

南星 薑煮 半夏 炮七次 枳實 一錢 白茯苓 一錢半

橘紅 一錢 石菖蒲 八分 人參 竹茹 各七分

甘草 五分

右水二盞生薑五片煎八分食前服

按此證最急。此藥最緩。未免有兩不相當之弊。審其屬熱。此方調下牛黃清心丸。審其屬虛。此方調下二丹丸。庶足以開痰通竅也。

⑤青州白丸子 治男子婦人手足癱瘓。風痰壅盛。

嘔吐涎沫。及小兒驚風并治。

白附子 二兩 甯

半夏

七兩 浸 去 水

南星

二兩 生

川烏

去 皮 臍 五 錢 生

右羅爲末。生絹袋盛於井花水內。攪出粉。未出者。以手揉令出。查再搗。再攪。以盡爲度。用磁盆。日中曝。夜露。每日一換。新水攪而後澄。春五。夏三。秋七。冬十日。去水。曬乾。如玉片。以

糯米粉作稀糊丸如菉豆大每服二十九生薑湯下無時如癰瘕酒下小兒驚風薄荷湯下三五丸。

按此方治風痰之上藥也然藥味雖經製煉溫性猶存熱痰迷竅非所宜施。

⑤竹瀝湯 治四肢不收心神恍惚不知人事日不能言。

竹瀝 二升 生薑汁 二升 生薑汁 二合

右三汁和勻分溫三服

按人身之積痰積熱常招致外風結爲一家。

令人心神恍惚。如邪所憑。實非邪也。消風清熱。開痰。其神自安。此方可頻服也。

貝母瓜蒌散 治肥人中風口眼喎斜手足麻木

左右俱作痰治

貝母

瓜蒌

南星 炮

荆芥

防風

羌活

黃蘗

黃芩

黃連

白朮

陳皮

半夏 湯炮去

薄荷

甘草 炙

威靈仙

天花粉 各等分

右每服水二盞薑三片煎八分至夜服

按中風證多俠熱痰而肥人復素有熱痰不

論左右俱作痰治。誠爲當矣。但肥人多虛風。瘦人多實火。虛風宜用甘寒一派。如竹瀝。人參。麥冬。生地。生葛汁。生梨汁。鮮淡竹葉汁。石膏。瓜蒌。葳蕤。胡麻仁等藥。此方三黃並用。治瘦人實火。或可治肥人虛風。甚不宜也。至泛論治熱痰之藥。諸方中。又惟此足擅其長。存之以備實火生風生熱之選。

千金地黃湯

治熱風心煩。及脾胃熱壅。食不下。

菑藁汁

梔子汁 各五升

真酥

生薑汁 各二升

荆瀝

竹瀝 各五升

人參 八兩

白茯苓 六兩

天門冬 八兩

大黃

梔子 各四兩

右十一味以後五味爲細末先煎地黄等汁
內末藥調服方寸匙再漸加服以利爲度
按此方補虛清熱潤燥滌痰除風開通瘀壅
美善具備誠足貴也因養血豁痰難於兩用
姑舉此方爲例以聽臨症酌量又四肢不舉
脾土屬虛屬實分途異治苟其虛實不甚相
懸此方更在所必用法無窮盡人存政舉未
易言耳

〔天〕涼膈散

治心火上盛膈熱有餘目赤頭眩口瘡

唇裂吐衄，涎嗽稠粘，二便淋閉，胃熱發斑，小兒驚急，潮搐瘡疹，黑陷大人諸風，癱瘓手足掣搦，筋攣疼痛。

連翹

梔子仁

薄荷

大黃

芒硝

甘草

黃芩

右水二盞，棗一枚，蔥一根，煎入分，食遠服。

〔完〕清心散，即涼膈散加黃連。

右小盞半，加竹葉十片，煎入分，去渣，入蜜少。

許溫服，頭痛加川芎，防風石膏。

按中風證，大勢風木合君和二火，主病多顯。

膈熱之證。古方用涼膈散最多。不但二方已也。如轉舌膏用涼膈散加菖蒲遠志如活命金丹用涼膈散加青黛藍根。蓋風火之勢上炎。胸膈正燎原之地。所以清心寧神轉舌活命涼膈之功居多。不可以宜通腸胃之法輕訾之也。

〔旱〕地黃飲子宜明方。治舌瘡不能言足癢不能用腎虛弱其氣厥不至舌下。

熟地黃

巴戟

去心

山茱萸

肉蓯蓉

酒浸焙

石斛

附子

炮

五味子

白茯苓

菖蒲

遠志 去骨

官桂

麥冬 各等分

右爲末每服三錢。生薑五片。棗一枚。薄荷七葉。水一盞。半煎。八分服。無時。

按腎氣厥不至舌下。乃藏真之氣不上榮於舌本耳。至其濁陰之氣。必橫格於喉舌之間。吞咯維艱。昏迷特甚。又非如不言之證。可以緩調。方中所用附桂。巴菝。原爲驅逐濁陰而設。用方者不可執已見而輕去之也。

〔罕〕三因白散子。治肝腎中風。涎潮壅塞。不語嘔吐。

痰沫。頭目眩暈。兼治陰症傷寒。六脉沉伏及

霍亂吐瀉小便淋滴不通

大附子

煮麩生

滑石

桂府者
五錢

製半夏

七錢半

右為末每服二錢水二盞薑七片蜜半匙煎七分空心冷服

按此方甚超但不明言其所以然且引兼治陰症傷寒霍亂吐瀉等證為言轉覺泛而不精矣蓋此即上條昌所論濁陰上逆之證緣肝腎之氣厥逆而上是以涎潮壅塞舌瘖不語痰沫吐咯難出頭目重眩故非附子不能驅其濁陰然濁陰走下竅者也濁陰既上逆

其下竅必不通。故用滑石之重，引濁陰仍走前陰之竅。亦因附子雄入之勢，而利導之也。更慮濁陰遇胸中之濕痰，兩相留戀，再加半夏以開其痰。庶涎沫與濁陰俱下方中，具有如此之妙義，而不明言以教後人，殊可惜也。

④二丹丸 治風邪健忘，養神定志和血，內安心神，外華腠理得睡。

丹參

熟地黃

天南星

去心各兩半

硃砂

人參

菖蒲

遠志

各五錢

茯神

麥門冬

甘草 各二兩

右爲細末煉蜜爲丸桐子大每服五十九至一百丸空心食前服。

按中風證心神一虛百骸無主。風邪擾亂莫繇驅之使出。此方安神益虛養血清熱息風服之安睡功見一斑矣。相傳用愈風湯吞下殊失用方之意。

豎豨薟丸

治肝腎風氣四肢麻痺骨痛膝弱風濕

諸瘡

右以豨薟草五月五日六月六日採葉九蒸

九曝凡蒸用酒蜜酒晒乾爲未蜜丸桐子大
空心酒下百丸

按豨者猪也。其畜屬亥。乃風木所生之始。故
取用其葉以治風。凡腎藏生風之證。服此其
効最著。江寧節度使成訥。知益州張詠。兩以
方藥進獻至尊。訥以弟訢中風伏枕五年。一
道人傳此方服之愈。詠以掘地得碑製服千
服。髭鬚烏黑。筋力輕健。見都押衙羅守一中
風墜馬。失音不語。與藥十服。其病立瘥。又和
尚智嚴年七十。或患偏風。口眼喎斜。時時吐

涎與十服亦便得痊。古今用此獲効者最多。然莫知其所以然也。其妙處全在氣味之蒼劣與腎中之腥臊同氣相求。故能入腎而助其驅逐陰風之力也。因治腎風之方百不得一。特錄此丸合前天麻丸兩發其義也。

圖黑錫丹

治真元虛憊，陽氣不固，陰氣逆冲，三焦不和，冷氣刺痛，飲食無味，腰背沉重，膀胱久冷，夜多小便，女人血海久冷，赤白帶下，及陰證，陰毒四肢厥冷，不省人事，急用棗湯吞一百粒，卽便回陽。此藥大能升降陰陽，補虛益

元墜痰除濕破癖

沉香

葫蘆

酒浸炒

附子

炮

陽起石

研細水飛各二兩

肉桂

半兩

破故紙

舶茴香

肉豆蔻

麩裏煨

木香

金鈴子

蒸去皮核各二兩

硫黃

黑錫

去滓呼各二兩

右用黑蓋或鐵銚內如常法結黑錫硫黃砂子地上出火毒研令極細餘藥並細末和勻自朝至暮以研至黑光色為度酒糊丸如梧子大陰乾入布袋內擦令光瑩每四十九空心鹽薑湯或棗湯下女人艾棗湯下急症用百丸

按此方用黑錫水之精。硫黃火之精。二味結成靈砂爲君。諸香燥純陽之藥爲臣。用金鈴子苦寒一味爲反佐。用沉香引入至陰之分爲使。凡遇陰火逆冲。真陽暴脫。氣喘痰鳴之急症。舍此藥再無他法可施。昌每用小囊佩帶隨身。恐遇急症不及取藥。且欲以吾身元氣溫養其藥。藉手効靈。厥功歷歷可紀。卽如小兒佈痘。與此藥迥無相涉。然每有攻之太過。如用蜈蚣穿山甲桑蟲之類。其痘雖勃然而起。然頭面遍身腫如瓜匏。瘡形濕爛難乾。

乃至真陽上越氣喘痰鳴。見醫撤手駭去。昌
投此丸。領其陽氣。下入陰中。旋以大劑地黃
湯。峻補其陰。以留戀夫真陽。肌膚之熱反清。
腫反消。濕爛反乾。而成厚靨。如此而全活者。
不知凡幾。因附本方項下。以廣用方者之識。

〔望〕三建二香湯

治男婦中風六脉俱虛舌強不語

痰涎壅盛精神如癡手足偏廢此等不可攻
風只可補虛

天雄

附子

烏頭

各三不俱

沉香

木香

各二不俱
水磨汁

右作二服每服水盞半薑十片煎七分食前服

按此方天雄附子烏頭同時並用其生者不加炮製惟恐縛孟賁之手莫能展其全力耳必因其人陰邪暴甚埋沒微陽故用此純陽無陰一門三將領以二香直透重圍驅逐極盛之陰拯救將絕之陽此等大關雖有其方能用者罕方下妄云治中風六脉俱虛又云不可攻風只可補虛全是夢中說夢誤人最大當知此證其脉必微而欲絕不可以虛之

一字漫無着落者言脉其方更猛悍毒厲不可以補虛二字和平無偏者言方此方書所爲以盲引盲耶

〔異〕星附散

治中風能言口不歪而手足躡曳者

南星

半夏 各製

茯苓

殭蠶 炒

川烏

去虫臍

人參

黑附子

白附子 各八分

右水二盞煎八分食遠熱服得汗愈

按此方乃治虛風寒痰之主藥也風虛則熾痰寒則壅阻遏脾中陽氣不得周行故手足爲之躡曳用此方熱服以助脾中之陽俾虛

風寒痰不相互結。乃至得汗。則風從外出。痰從下出。分解而病愈矣。凡用附子藥。多取溫冷服。謂熱因寒用也。此用烏頭附子人參一派溫補。絕無發散之藥。向非加以熱服。亦胡繇而得汗耶。敬服敬服。

望古今錄驗續命湯 治中風痲身體不能自收口

不能言。胃昧不知痛處。或拘急不得轉側。

麻黃

桂枝

當歸

人參

石膏

乾薑

甘草

各三兩

芎藭

杏仁

四枚

右九味以水一斗煮取四升溫服一升當小汗薄覆春憑凡坐汗出則愈不汗更服無所禁勿當風并治但伏不得卧咳逆上氣面目浮腫

按此合後三方金匱取用之意已發之於本條下。今細玩此方細詳其證乃知痺卽痺之別名也。風入而痺其榮衛卽身體不能自收口不能言。胃昧不知痛處或拘急不能轉側也。然榮衛有虛有實。虛者自內傷得之。實者自外感得之。此方則治外感之痺其榮衛者。

故以得小汗爲貴。然已變越婢之制，而加芎歸養血，人參益氣矣。其內傷而致榮衛之痺者，於補氣血藥中，略加散風藥爲制，更可知矣。

【吳】千金三黃湯 治中風手足拘急，百節疼痛，煩熱

心亂惡寒，經日不欲飲食。

麻黃 五分 獨活 四分 細辛 二分 黃芪 二分

黃芩 三分

右五味以水六升，煮取二升，分溫三服。一服小汗，二服大汗。心熱加大黃二分，腹滿加枳

實一枚氣逆加人參三分悸加牡蠣三分渴
加括蕞根三分先有寒加附子一枚分字
當作去聲讀

按此方治風入榮衛肢節之間擾亂既久證
顯煩熱惡寒不食邪盛正虛可知其用麻黃
爲君者以麻黃能通陽氣而開痺也故痺非
得汗不開然內虛當慮須用參芪以佐之而
虛復有寒熱之不同虛熱則用黃芩虛寒則
加附子此仲景所以深取之也

〔完〕 近効白朮附子湯

治風虛頭重眩苦極不知食

味暖肌補中益精氣

白朮

二兩

附子

一枚半炮
去麩

甘草

一兩炙

右三味剉每五錢七薑五片棗一枚水盞半

煎七分去滓服

按此方治腎氣空虛之人外風入腎恰似烏
洞之中陰風慘慘晝夜不息風挾腎中濁陰
之氣厥逆上攻其頭間重眩之苦至極難耐
兼以胃氣亦虛不知食味故方中全不用風
門藥但用附子暖其水藏白朮甘草暖其土
藏水土一暖則濁陰之氣盡趨於下而頭苦

重眩及不知食味之證除矣。試觀冬月井中
水暖。土中氣暖。其陰濁之氣。且不能出於地。
豈更能加於天平。製方之義。可謂精矣。此所
以用之而獲近効耶。

〔辛〕史國公浸酒方 治諸風五痺左癱右瘓口眼喎
斜四肢疼痛七十二般風二十四般氣其効
不可盡述

當歸

虎脛骨

酥油炙

川羌活

川蘼藪

防風

各二兩

秦芫

四兩

鼈甲

二兩醋炙

川牛膝

酒浸

松節

晚羅蟲砂

炒各二兩

枸杞子

五兩

乾茄根

二兩飯上蒸熟

蒼耳子

四兩炒搥碎

主十三味用無灰酒一大罈將絹袋盛藥懸於酒內密封固候十四日後開罈取酒取時不可面對罈口恐藥氣冲人面目每飲一盞勿令藥力斷絕飲盡病痊將藥渣晒爲末米糊九梧桐子大每服八十九空心温酒下忌食動風辛熱之物此藥可以常服

按治風治痺藥酒方亦不可少此方平中之竒功效頗著後有增入白花蛇一條者此又以腸胃漫試其毒吾所不取

痺證諸方

⑤三痺湯 治血氣凝滯手足拘攣風寒濕三痺

人參

黃芪

當歸

川芎

烏藥

生地黃

杜仲

薑汁炒

川續斷

防風

桂心

細辛

白茯苓

秦艽

川牛膝

川獨活

甘草

各等分

右水三盞生薑三片棗一枚煎五分不拘時服

按此用參芪四物一派補藥內加防風秦艽以勝風濕桂心以勝寒細辛獨活以通腎氣

凡治三氣襲虛而成痺患者宜准諸此。

【聖】痺在上用桂枝五物湯

黃芪 三兩 桂枝 三兩 芍藥 三兩 生薑 六兩

大棗 十二枚

右五味以水六升煮取二升溫服七合日三服 一方有人參

按此乃金匱治血痺之方也。血痺而用桂枝湯加黃芪以其風邪獨勝。風性上行故其痺在上也。其脉微濇寸口關上小緊緊處乃邪着之驗也。然又曰寸口關上微尺中小緊外

症身體不仁。如風痺狀。此方主之。又可見風性善行。隨其或上或下。皆主以此方矣。

〔聖〕痺在臂用十味劉散 原治中風血弱臂痛連及

筋骨舉動難支

附子

炮

黃芪

當歸

白芍藥各一錢

川芎

防風

白朮各七分

茯苓

肉桂

各五分

熟地黃

酒洗焙乾二錢

右永二盞薑三片棗二枚食後臨卧服

按臂痛乃筋脉不舒體盛者可去其筋脈中之風然既已血痺所受風燥之累不淺故取

此方養血之中加附子之力通其陽氣而用防風反佐黃芪出其分肉腠理之風也

因痺在手足風淫末疾則用烏頭粥 原治風寒濕

麻木不仁

烏頭 生研爲末

每用香熟白晚米二合入藥末四錢同米以砂罐煮作稀粥不可太稠下生薑汁一匙白蜜三匙攪勻空心溫啜之爲佳如中濕多更加薏苡仁末三錢服此粥大治手足不隨及腫痛不能舉者服此預防之

按四肢為諸陽之本。本根之地。陽氣先已不用。况周身經絡之未乎。故用烏頭合穀味。先從榮衛所生之地。注力俾四末之陽。以漸而充也。用方者知之。

〔方〕痺在手足濕流關節。則用薏苡湯。原治手足流

注。疼。痛。麻木不仁。難以屈伸。

薏苡仁

當歸

芍藥

桂心

麻黃

各一錢

甘草

五分

蒼朮

米泔浸炒
二錢

右水二鍾。薑五片。煎入分。食前服。有汗去麻

黃。有熱去桂心。

按此方以薏苡仁爲君。舒筋除濕。其力和緩。當三倍加之。至於麻黃。雖能通其陽氣。然在濕勝方中。卽無汗不可多用。減大半可也。

〔美〕痺在身半以下。用通痺散。原治腰以下至足。風寒濕三氣合而成痺。兩足至臍冷如冰。不能自舉。或因酒熱立冷水中。久風此疾。

天麻

獨活

當歸

川芎

白朮

藁本

等分

右爲細末。每服二錢。熱酒調下。

按此方因風寒濕三氣混合入于陰股其邪已過於榮衛故變桂枝五物之制而用此散緩緩分出其邪也。

痿痺在遍身走痛無定用控涎丹原治人忽患胸背手脚腰膀痛不可忍牽連筋骨坐卧不寧走異無定乃痰涎伏在胸膈上下變爲此疾或令人頭重不可舉或神意昏倦多睡或飲食無味痰唾稠粘口角流涎卧則喉中有聲手脚腫痺氣脉不通疑似癱瘓但服此藥數服其病如失

其遂

大戟

皂子

右等分爲末。麩丸。桐子大。食後臨卧薑湯下。五七丸。或十九丸。量人服。

按風寒濕三痺之邪。每藉人胸中之痰爲奧。援故治痺方中。多兼用治痰之藥。昌於中風第四十一方。取用三因白散子之用。半夏已見大意。但彼治濁氣上干。此治濁痰四注。以濁痰不除。則三痺漫無寧宇也。凡遇痰積極盛之症。此方亦不可少。實非謂子和之法。足勝治痺之用也。學者辨諸。

又方用

白茯苓 二兩 半夏 四兩 枳壳 一兩 風化硝 三錢

薑汁糊丸桐梧子大每服五十九丸薑湯下然
治痺以開通陽氣補養陰血為貴着意治痰
必轉燥其血不可以為此善于彼而瀆用之
矣

〔羌〕痺在脉用人參丸

人參 麥門冬 茯苓 薏脂

龍齒 石菖蒲 遠志 黃芪 各二兩

熟地黃 二兩

諸方

右爲未煉蜜和搗五百杵爲丸。梧桐子大。每服三十九。食遠清米飲送下。

按心主脉。內經脉痺不已。復傳於心。可見五藏各有所主。各有所傳也。此方安心神。補心血。先事預防。功效更敏。加當歸。甘草。薑。棗。粳米。汁煎服更効。

〔辛〕痺在胸。用括蕒。薤白。半夏。湯治胸痺。不得卧。心痛徹背。

招蕒實 一枚搗
薤白 三兩
半夏 三兩
白酒 四升

右四味同煮。取一升五合。分三服。温服半升。

一日服之

按胸痺之症人所通患仲景於金匱出十方以治之然不明言也蓋胸中如太空其陽氣所過如離照當空曠然無外設地氣一上則窒塞有加故知胸痺者陽不主事陰氣在上之候也仲景微則用薤白白酒以通其陽甚則用附子乾薑以消其陰以胸痺非同他患補天浴日在醫之手眼耳後世總不知胸痺爲何病昌特發明於乙集胸寒痺痛椽下文學錢尊王胸中不舒者經年不能自各其狀

頗以為慮，昌投以薤白湯，次日云：一年之病，一劑而頓除，抑何神耶？昌不過以仲景之心法為法耳。何神之有，然較諸家之習用白豆蔻、廣木香、訶子、三稜、神麩、麥芽等藥，坐耗其胸中之陽者，亦相懸矣。

〔空〕痺在胞，用腎瀝湯。原治胞痺，小腹急痛，小便赤澀。

麥門冬

立加皮

犀角

鑄各二錢

杜仲

桔梗

赤芍藥

木通

各錢五分

桑螵蛸

一箇

右水盞半，加入羊腎一隻，去脂膜，切細，竹漚。

少許同煎一盞去渣空心頓服日再服

方有桑皮無蠟蛸

按此方名腎瀝者形容其胞中之氣痺而不化外腎之溺滴瀝不出之苦也乃因虛熱壅其膀胱肺氣不能下行所致桑皮桑蛸咸為治肺而設此方大意聊見一斑不可誤認為其人內腎素虛而小便淋漓也

〔空〕痺在腸用吳茱萸散原治腸痺寒濕內搏腹痛

滿氣急大便飧泄

吳茱萸 湯炮焙乾

乾薑 炮

甘草 炙

肉豆蔻 煨各五錢

醫門法

卷之三

諸方

砂仁

神麩

白木 各二兩 厚朴 薑汁炒

陳皮

良薑

右為末每服一錢食前米飲下

按腸痺之證總關於脾胃寒邪濕邪先傷其
太陰之脾風邪先傷其陽明之胃太陰傷故
腹滿陽明傷故飧泄內經謂胃風久蓄為飧
泄明非朝夕之故也脾胃有病三痺互結於
腸此宜以辛辣開之非如胞痺為膀胱之熱
當用清涼之比矣

痿痺正筋用羚羊角散

原治筋痺肢節束痛

羚羊角

薄荷

附子

獨活

烏藥

防風

川芎 各等分

右水盞半薑三片煎五分服

按此方治筋痺之義美則矣矣。未盡善也。以七味各用等分。漫無君臣佐使之法耳。蓋筋痺必以舒筋為主。宜倍用羚羊角為君。筋痺必因血不榮養。宜以白芍川芎更加當歸為臣。然恐羚羊角性寒。但能舒筋。不能開痺。必少用附子之辛熱為反佐。更少用薄荷獨活防風入風寒濕隊中。而為之使。可也用方者必

須識此

齒痺在皮用羌活湯 原治皮痺皮中狀如虫走腹

脇脹滿大腸不利語不出聲

羌活

細辛

附子泡去皮

沙參

羚羊角鎊

白朮

五茄皮

生地黄

宮桂

枳壳麩炒

麻黄去節

白茯苓

杏仁

丹參

草薢

五味子

石膏清

木通

枳榔

郁李仁泡去皮

赤茯苓各等分

右水盞半薑五片煎七分不拘時温服

按皮痺不已傳入於肺則製方當以清肺氣爲主此方雜沓不適用於用今取沙參羚羊角麻黃杏仁白痰藜丹參五味子石菖蒲八味去羌活白辛附子白朮五加皮生地黃官桂枳殼草薜木通楝柳郁李仁赤茯苓羌味而加石膏以清肺熱甘草以和肺氣更加乾薑少許爲反佐以乾薑得五味子能收肺氣之逆也

〔靈〕熱痺用升麻湯 原治熱痺肌肉極熱體上如鼠走唇口反縮皮毛變紅黑

升麻 三錢

茯苓

人參

防風

犀角 鎊

羚羊角 鎊

羌活

各一錢

官桂

三分

右水二鍾。薑三片。入竹瀝半酒盞。不拘時服。按此方乃劉河間故製。後人治熱病。遵用河間。誠足法矣。方主以升麻為君。除陽明肌肉之熱。然熱甚必亂其神。識故以人參。茯苓。犀角。羚羊角。為臣。而協理之。以官桂三分。為反佐。以羌防為使。如秋月寒潭。碧清可愛。鄙意羌防使藥。更少減其半。匪故饒舌。無非欲為引掖後來之助耳。

冷痺用巴戟天湯

原治冷痺脚膝疼痛行步艱

難

巴戟天志錢附子製

五加皮各七分川牛膝酒炒

石斛 甘草炙

草薢 白茯苓

防風 防已各五分

右水二盞薑三片煎八分空心服

按冷痺之證其風寒濕三痺之氣皆挾北方寒水之勢直有溫之而不易熱者方中之用巴戟天為君臆矣其附子加皮牛膝石斛茯苓甘草亦大小臣工之意然不用當歸肉杜

溫其血分。輔君之藥。尚有未切。草薺反佐防風。防已爲使。則俱當也。

⑤心痺用犀角散。原治心痺。神恍惚。恐畏。悶亂。不

得睡。志氣不寧。語言錯亂。

犀角 羚羊 人參 沙參

防風 天麻 天竺黃 茯神

升麻 獨活 遠志 麥門冬

甘草 各一錢 龍齒 丹參 各五分 牛黃

麝香 龍腦 各二分

右爲末。和諸藥重研令極細。每服錢半。不

時麥門冬湯調下

按此散每服中腦麝纔得一厘五毫且有人
參甘草和胃固氣庶幾可用然二物不過藉
以通心開竅耳原不必多更減三之一為長
也。

〔癸〕肝痺用人參散

原治肝痺氣逆胸膈引痛睡臥

多驚筋脉攣急此藥鎮邪

人參

黃芪

杜仲

酒炒

酸棗仁

微炒

茯神

五苓子

細辛

熟地黃

川芎

秦艸

羌活

各二兩

丹砂

五錢易研

右爲極細末入丹砂再研勻每服一錢不拘
時調下日二服

按厥陰肝臟所主者血也。所藏者魂也。血痺
不行其魂自亂。今不通其血而但治其驚。此
不得之數也。方中用參芪益氣以開血當矣。
其諸養血寧神鎮驚之藥。冬泚而不切。昌嘗
製一方以人參爲君。黃芪肉桂當歸川芎爲
臣。以代赭石之顛通肝血者。佐參芪之不之
少加羌活爲使。蓋氣者血之天也。氣壯則血
行。然必以肉桂當歸大溫其血。預解其凝泣。

之勢乃以代赭之重墜直入厥陰血分者開
通其瘀壅而用羌活引入風痺之所緣厥陰
主風風去則寒濕自不存耳錄出以質高明

〔完〕脾痺用温中法麩丸 原治脾痺發咳嘔涎

法麩炒

麥芽炒

白茯苓

陳皮去白

厚朴製

枳實麩炒各一兩

人參

附子製

乾薑炮

當歸酒洗焙

甘草炙

細辛

桔梗各五不

吳茱萸湯炮三錢

右爲細末煉蜜丸梧桐子大每服七八十丸

食前熱水送下

按脾爲太陰之臟其痺必寒濕多而風少此方溫中理氣壯陽驅陰種種有法但旣日發咳嘔涎半夏似不可少

肺痺用紫蘇湯 原治肺痺心膈窒塞上氣不下

紫蘇炒 半夏製 陳皮去裏錢 桂心

人參 白朮各五分 甘草二分

服 右水盞半薑五片棗二枚煎七分不拘時溫服

按肺爲相傳之官治節行焉管領周身之氣無微不至人是肺痺卽爲氣痺明矣蘇子雖能

降氣其力甚輕。且桂心半夏之燥。人參白朮之泥。俱非肺痺所宜。其陳皮雖能下氣。然必廣東化州所產。口中嚼試。其辣氣直入丹田者。爲貴。今肆中藥無道地。下氣亦非陳皮所勝矣。夫心火之明。尅肺金者。人之所知。而脾土之暗。傷肺金者。多不及察。蓋飲食入胃。必由脾而轉輸於肺。倘脾受寒濕。必暗隨食氣輸之於肺。此濁氣干犯清氣之一端也。肝之濁氣。以多怒而逆干於肺。腎之濁氣。以多慾而逆干於肺。三陰之邪。以漸填塞肺竅。其節。

治不行而痺成矣。開肺痺之法，昌頗有寸長。見寓意等集中，茲不贅。

【圭】腎痺用牛膝酒。原治腎痺虛冷，復感寒濕為痺。

牛膝

秦芫

川芎

白茯苓

防已

官桂

獨活

各二兩 五加皮 四兩

丹參

薏苡仁

大麻仁

炒 麥冬

石斛

杜仲

炒二兩

附子

製

地骨皮

乾薑

炮各五不

石咬咀，坐絹袋盛之，好酒一斗浸。春秋五日，

夏三日，冬十日。每服牛盞，空心食前服。日三